



REPUBLIKA E SHQIPËRISË



**OPERATORI I SISTEMIT
TË TRANSMETIMIT**



**AUTORITETI KOMBËTAR I
CERTIFIKIMIT ELEKTRONIK
DHE SIGURISË KIBERNETIKE**

Nr. 3850 / prot. Tiranë, më 19.07.2023
↓

Nr. 551 / prot. Tiranë, më 11.07.2023

**MARRËVESHJE BASHKËPUNIMI DHE KONFIDENCIALITETI
MIDIS**

**AUTORITETIT KOMBËTAR PËR CERTIFIKIMIN ELEKTRONIK DHE
SIGURINË KIBERNETIKE NË SHQIPËRI**

DHE

OPERATORIT TË SISTEMIT TË TRANSMETIMIT

Kjo Marrëveshje Konfidencialiteti është dakordësuar ndërmjet palëve të mëposhtme:

- a) Autoriteti Kombëtar për Certifikimin Elektronik dhe Sigurinë Kibernetike (në vijim "AKCESK"), me adresë: Rr. "Papa Gjon Pali i II", nr.3, Tiranë, përfaqësuar nga Drejtori i Përgjithshëm Z. Igli Tafa ;
dhe
- b) Shoqëria Operatori i Sistemit të Transmetimit sh.a (në vijim OST), person juridik shqiptar, me seli në Autostrada Tiranë-Durrës, Km 9, Yrshek, Kashar Tiranë, përfaqësuar nga Administratori, Z.Skerdi Drenova.

Duke pranuar se Teknologjitë e Informacionit dhe të Komunikimit (TIK) kanë hapur dritare të reja mundësish dhe janë mjete thelbësore për zhvillimin socio-ekonomik të shteteve;

Duke pranuar se TIK kanë sjellë gjithashtu lloje të reja kërcënimesh si: krimi kibernetik, spiunazhi kibernetik, aktivizimi, terrorizmi kibernetik, lufta kibernetike, sulmet ndaj infrastrukturës kritike, fushat e dezinformimit; dhe se këto kërcënime janë në rritje globalisht, ndërkombëtarisht, në mënyrë dinamike dhe po shfaqen gjithnjë e më të sofistikuar;

Palët kanë interesa strategjike të përbashkëta dhe bien dakord të bashkëpunojnë në fushën e informacionit bazuar në përfitime të njëjta dhe reciproke, për të përmirësuar bashkëpunimin në përgjigje të incidenteve të sigurisë së informacionit.

Duke pranuar rolin e Palëve në fushën e sigurisë kibernetike, në zbatimin e politikave dhe reagimeve operacionale, zhvillimin e mjeteve dhe në kuadrin rregullator.

Palët synojnë të përcaktojnë qëllimet kryesore, objektivat, fushat dhe format e bashkëpunimit, të përfshira në këtë Marrëveshje Bashkëpunimi dhe Konfidencialiteti për sa vijon.

Neni 1

QËLLIMI

Kjo Marrëveshje Bashkëpunimi dhe Konfidencialiteti ka për qëllim të promovojë bashkëpunimin në fushën e sigurisë kibernetike ndërmjet Palëve, të përmirësojë shkëmbimin e informacionit ndërmjet palëve, si dhe të sigurojë konfidencialitetin e këtij informacioni në lidhje me sigurinë kibernetike bazuar në përcaktimet e Nenit 4 të kësaj Marrëveshje.

Neni 2

STATUSI DHE FUSHA E MARRËVESHJES SË KONFIDENCIALITETIT

1. Kjo Marrëveshje Bashkëpunimi dhe Konfidencialiteti përcakton kornizën brenda të cilës Palët synojnë të bashkëpunojnë për të arritur qëllimet e përcaktuara në Nenin 1.
2. Kjo Marrëveshje Bashkëpunimi dhe Konfidencialiteti nuk ka për qëllim të krijojë, mbajë ose imponojë të drejta dhe detyrime ligjore ndaj Palëve ose ndërmjet Palëve të treta. Zbatimi i kësaj Marrëveshje Konfidencialiteti nga Palët e përcaktuara në të, i nënshtrohet përcaktimeve ligjore në fuqi.

Neni 3

FUSHAT E BASHKËPUNIMIT

1. Në kuadër të promovimit të bashkëpunimit në fushën e sigurisë kibernetike, sipas qëllimit të mësipërm të kësaj Marrëveshje Bashkëpunimi dhe Konfidencialiteti, Palët synojnë të bashkëpunojnë në fushat e mëposhtme:

- a) Ofrimin sipas kërkesës së Palës skanime proaktive të rrjeteve dhe sistemeve të informacionit me qëllim identifikimin e vulnerabiliteteve me impakt të lartë të mundshëm;
- b) Vendosjen në dispozicion të kopjes së logeve;
- c) Raportimin e të gjitha llojeve të incidenteve të sigurisë kibernetike në përputhje me parashikimet ligjore në fuqi për sigurinë kibernetike;
- d) Ndarjen e informacionit në lidhje me përhapjen e programeve keqdashëse;
- e) Shkëmbimin e indikatorëve të kompromisit;
- f) Ofrimin e informacionit për zgjidhjet e mundshme në fushën e sigurisë së informacionit;
- g) Shkëmbimin e materialeve edukative dhe trajnuese lidhur me sigurinë kibernetike;
- h) Bashkëpunimin dhe koordinimin e ndërsjelltë në lidhje me zhvillimin e seminareve teknike, edukative dhe trajnimeve;
- i) Ofrimin e asistencës informative këshilluese në hetimin dhe eliminimin e incidenteve të sigurisë së informacionit;
- j) Shkëmbimin e informacionit mbi rreziqet e sigurisë së informacionit;

Neni 4

SHKËMBIMI DHE PËRDORIMI INFORMACIONIT

1. Palët marrin përsipër të shkëmbejnë informacionin për qëllimet e kësaj Marrëveshje duke ruajtur Konfidencialitetin. Shkëmbimi i informacionit sipas kushteve të kësaj Marrëveshje Bashkëpunimi dhe Konfidencialiteti, do të kryhet në përputhje me legjislacionin në fuqi, politikat dhe mekanizmat në fuqi të palëve.
2. Asnjëra palë nuk do të shpërndajë, nxjerr apo publikojë informacionet e marra nga Pala tjetër sipas përcaktimeve të kësaj Marrëveshje Bashkëpunimi dhe Konfidencialiteti, asnjë palë të tretë pa pëlqimin paraprak të Palës tjetër.
3. Palët do të zbatojnë mbrojtjen e të dhënave personale, sipas legjislacionit në fuqi.
4. Palët do të caktojnë një person kontakti përgjegjës për komunikimet ndërmjet Palëve për zbatimin e kësaj marrëveshjeje.
5. Çdo aktivitet i përbashkët që përfshin pronësinë intelektuale do të dakordësohet me shkrim nga Palët për të mbrojtur interesat përkatëse.

Neni 5

ZGJIDHJA E MOSMARRËVESHJEVE

Çdo mosmarrëveshje ndërmjet Palëve në lidhje me interpretimin dhe/ose zbatimin e kësaj Marrëveshje Bashkëpunimi dhe Konfidencialiteti do të zgjidhet në mënyrë miqësore nëpërmjet konsultimeve dhe/ose negociatave ndërmjet palëve.

Neni 6

FILLIMI, KOHËZGJATJA DHE PËRFUNDIMI I MARRËVESHJES

1. Kjo Marrëveshje Bashkëpunimi dhe Konfidencialiteti hyn në fuqi në datën e nënshkrimit të saj nga të dyja Palët.
2. Kjo Marrëveshje Bashkëpunimi dhe Konfidencialiteti nënshkruhet për një afat të pacaktuar dhe Palët mund ta ndërpresin atë në çdo kohë duke njoftuar palën tjetër me shkrim.
3. Aktivitetet që janë në proces në momentin e përfundimit të marrëveshjes, do të përfundojnë në përputhje me dispozitat e kësaj marrëveshjeje.
4. Kjo Marrëveshje Bashkëpunimi dhe Konfidencialiteti mund të ndryshohet me marrëveshje reciproke me shkrim të Palëve.
5. Çdo ndryshim i kësaj marrëveshjeje do të hyjë në fuqi në datën e percaktuar reciprokisht nga Palët.

Neni 7

KOSTOT, SHPENZIMET DHE BURIME

Çdo Palë merr persipër shpenzimet personale dhe i siguron vetes burime për ekzekutimin e kësaj marrëveshjeje dhe shpenzimeve të tjera të lidhura me të. Të gjitha aktivitetet sipas kësaj Marrëveshjeje Bashkëpunimi dhe Konfidencialiteti, do t'i nënshtrohen disponueshmërisë së burimeve financiare dhe njerëzore në përputhje me legjislacionin në fuqi.

Neni 8

INFORMACIONET E KONTAKTIT

AUTORITETI KOMBËTAR PËR CERTIFIKIMIN ELEKTRONIK SIGURINË SHQIPËRISË DHE KIBERNETIKE I	OPERATORIT TË SISTEMIT TË TRANSMETIMIT
Emër: Eriola Sadiku	Emër: Gerald Bici
Institucioni: AKCESK	Institucioni: OST
Telefon:	Telefon:
Adresë e-mail: eriola.sadiku@cesk.gov.al	Adresë e-mail: gerald.bici@ost.al
Telefon24/7: +355 4 22 210 39	Telefon24/7:

Telefon emergjencash: +355 69 20 88 722	Telefon emergjencash:
Adresa: Rr. "Papa Gjon Pali i II", nr.3, Tiranë	Adresa: Autostrada Tiranë-Durrës, Km 9, Kashar. Tiranë

Neni 9

TË NDRYSHME

1. Kjo Marrëveshje Bashkëpunimi dhe e Konfidencialitetit hartohet dhe zbatohet në përputhje me ligjin shqiptar.
2. Kjo Marrëveshje e Bashkëpunimi dhe e Konfidencialitetit nëshkruhet në 4 (katër) kopje, 2 për secilën Palë.

PËR

Autoritetit Kombëtar Për Certifikimin
Elektronik dhe Sigurinë Kibernetike

PËR

Operatorin e Sistemit
Të Transmetimit

**AUTORITETI KOMBËTAR I
CERTIFIKIMIT ELEKTRONIK DHE
SIGURISË KIBERNETIKE**

**OPERATORI I SISTEMIT TË
TRANSMITIMIT**

**DREJTOR I PËRGJITHSHËM
Z. Igli TAFA**

**ADMINISTRATOR
Z. Skerdi Drenova**

**NE MUNGESË DHE ME POROSI
ZV DREJTORI PËRGJITHSHËM
Irma Droboniku**

Irma Droboniku

Nëshkrimi



Nëshkrimi

